

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XXII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XXII.

NOTITIA DONATIONIS INSIGNIS MONASTERIO
S. PETRI IN NIGRA SILVA FACTÆ A BERTOLDO ET
CONRADO, BERTOLDI II. DUCIS ZARINGIÆ FILIIS,
BERTOLDI I. NEPOTIBUS.


A N N O M C X I I.

Ex Rotulo San-Petrino.

Omnibus Christi fidelibus tam futuris quam præsentibus notum esse cupimus, qualiter Dominus *Bertholdus* & frater ejus *Conradus filii* bonæ memoriæ *Berthodi Ducis* Cœnobii hujus Fundatoris, tale predium quale in vico, qui dicitur *Benzeshufen* habuerunt cum omnibus suis pertinentiis, hoc est mancipiis utriusque sexus, areis, agris, pratis, pascuis, campis, silvis, aquis, aquarumque decursibus, molendinis, exitibus & redditibus sive cultis sive incultis, sed & Novale vicinum cellæ nostræ, quod *Goteschalchesgrötte* dicitur, nec non & illam sui Juris quantitatem non parvam Sylvæ, quæ *Schwarzwald* appellatur, & ab illo Novali in Longitudinem ac Latitudinem satis copiosam protenditur, pro redemptione animarum suarum, atque parentum ibidem sepulcorum beato Petro Apostolo manu præpotestativa contradiderunt ad hoc videlicet, ut quidquid utilitatis inde proveniat, Monachorum in hoc Loco conversantium in usum atque servitium perpetuo cedat.

Præterea in omnibus allodiis in Burgundia seu Brisgaugia aut in Nekergaugia, vel ubicunque locorum fitis, quæ parentes sui gloriosus scilicet Dux Bertholdus cum uxore sua Domina Agnete illorumque patres, id est Catholicæ veritatis sectator eximius Ruodolphus Rex & honorabilis Dux Bertholdus primus cum thori sui consorte Domina *Richwara* tradiderunt Ecclesiis, quarum una in vico quodam Burgundiæ, qui vocatur *Buchse*, continetur, alia vero apud villam quandam Nekergaugiæ *Wilheim* appellatum cum omnibus quæ ad easdem pertinere videbantur, huic Cœnobio in præfentiarium subditis, quodlibet Ius hæreditarium vel à se vel à generis sui successoribus habendum juxta legalem Alemanorum consuetudinem devote abdicarunt, imo etiam ut Majorum suorum vota & oblationes omni succedentis temporis ævo inconvulsæ & intemeratæ permaneant, iterata traditione confirmaverunt. Eadem quacunque ratione non dissimili voto, quicumque de clientibus suis vel Familia huic Ecclesiæ devotionis causa conferre vellent aliquas facultates aut patrimonia, omnibus ab illa die deinceps liberam potestatem voti complendi permiserunt. Insuper etiam nouam partem omnium rerum suarum, quæ decimari solent hujus Loci Cœnobitis annis singulis persolvi constituerunt. Actum VI. Kal. Ian. id est in nativitate beatissimi Evangelistæ Ioannis, Anno ab Incarnatione Domini MCXII. regnante Rege Henrico hujus nominis quinto. Indictione V. fer. IIII. ante Basilicam S. Petri, allatis illuc sanctorum Reliquiis, in præsentia Domini Epponis Ven. Abbatis. astantibus, quorum nomina subscripta sunt, nobilibus viris. Cono de Kunringen & Filius ejus Cono. Waltherus de Horwan. Razo de Riethufen. Eberhardus de Eistat. Luicili & Adelbertus de Ushufen. Harpertus de Wilhelm, Geroldus de Wittilinchoven. Et

stantibus de Domo Ducis qui majores natu fuerant, plurimis. Circumstante quoque & hoc audiente, qui tali die ad Ecclesiam convenerat, cœtu copiosæ plebis.



XXIII.

BERTOLDI III. ET CONRADI DUCUM ZARING.
CONFIRMATIO FUNDATI A PARENTIBUS SUIS
COENOBII S. PETRI.

ANNO MCXII.

Ex eodem Rotulo.

In Christi nomine. Notum esse cupimus Christi fidelibus tam futuris quam præsentibus, quod *Dux Bertholdus III. & frater ejus Dominus C. filii bone memorie Bertholdi II. Ducis*, hujus Ecclesiæ fundatoris nigræ silvæ, quæ nostra lingua Schwarzewalt appellatur. loca vel prædia seu possessiones hæreditario ad se jure transmissas, & hiis vocabulis determinatas, videlicet a Plateno in monte Kanden, & sic erga

Charta hæc apud SCHANNAT. *Coll. I.* pag. 160. sed vitiose.